

四庫禁燬書叢刊編纂委員會

北京出版社

四庫禁燬書叢刊

子部第一四冊目次

潜確居類書一百二十卷(二)

(明)陳仁錫輯
明崇禎刻本

.....

潛確居類書一百二十卷(二)

〔明〕陳仁錫輯

明崇禎刻本

清華大學圖書館藏

潛確居類書卷之十八

史官陳仁錫明卿父纂輯

區宇部十三 山四

諸山三 四川 湖廣

成都府 以下隸四川行省

海雲山○輿地記海雲山在錦江下流十里有海雲

寺鴻慶院諸勝○吳中復遊海雲寺唱和詩序云

成都風俗歲以三月二十日遊城東海雲寺摸石

于池中以為求子之祥太守出郊建高極鳴笳鼓

作馳騎之戲大譙賓從以主民樂○韓宗道和詩

香蓮須寺

卷之十八 區宇十三

一 成都府海雲山

茂林修竹翠烟收寺枕清江江上頭好鳥啼春知

客恨落花浮水近人流政閒不廢登臨賞意適真

成汗漫遊紫陌紅塵歸路遠夕陽回首重遲留○

按歲華紀麗云唐開元二十三年鴻慶院靈智禪

師于三月二十一日歸寂蜀人敬之入山修禮因

而成俗山有小池士女探石其中以占求子之祥

故太守率賓僚于是日宴海雲山登報春閣觀摸

石以為樂焉

武擔山○寰宇記武擔山在府城西北一名武都山

○蜀記武擔山精化為美女對王納為妃不甘水

土而死王乃遣五丁于武都擔上為冢故名武擔

塚蓋地數畝高七尺上有一石厚五寸徑五尺瑩

徹號曰石鏡王見悲悼作夷邪之歌龍歸之曲○

路史開明妃墓今武擔山也有二石闕石鏡武陵

王蕭紀掘之得玉石中美女容貌如生體如水

掩之而寺其上築高二丈五尺○杜詩蜀王將此

鏡送死置空山冥漠憐香骨提攜近玉顏眾妃死

復歎于騎亦虛還獨有傷心石埋輪月宇間

學射山○成都記學射山在府城北一名射石山李

益州記射石山有兩女塚是也○文同丹淵集

成都府

卷之十八 區宇十三

二 成都府射石山

成都燕會之春為常然各有定處惟上巳學射山

之集為盛山有通真觀祀張伯子其日兩蜀之人

咸赴從道士受秘籙謂一年禍福率繇此日恭慢

所致○范成大吳船錄清明日登學射山試新火

作牡丹會○按學射山者以劉主禪于此學射故

名

威鳳山○神仙傳威鳳山在府城北一名小蓬萊上

產靈藥乃張伯子得道之所

女郎山○上南志女郎山在溫江張魯女浣衣石上

感赤光之祥而懷孕生二龍及女死將殯柩車忽

騰躍升此山遂葬焉。其流水石猶在因謂之女耶山其說畧同

三學山○華陽記三學山在金星李八百三度學仙

于此故名。一名石城亦名栖賢開照頂有神泉方

丈雲霞常興唐天寶六年改爲雲頂山○西幸畧

云唐明皇至劍門山神見形迎駕稱姓李氏後陟

武擔東臺遠望祥雲紫氣盤結空界問左右曰此

何處對曰石城山乃悟山神厄衛之意遂改雲頂

爲慈雲焉○高僧傳唐鑑源禪師于山講華嚴經

感聖燈現菩薩放光因謂之開照山○輿地勝覽

濟南府志卷八十八 縣志卷十三 三 成都府志

三學山有佛跡石理堅潤瑩白如玉非世間槌琢

所能又有碧玉佛籠繡然紫瑩錦字心經貝葉金

字涅槃經寺前後檜柏皆隋故物又有飛石乃自

雲頂飛來先是寺有楠樹已枯石離而爲二有王

頭陀語曰五百年後寺當廢若楠再生石再合然

後復興果如其言

麗元山○集古錄麗元山在新都平地特起四絕高

三丈有雙石鏡廣五尺背掘其下至水而未臻其

極

興成山○古今集記興成山在新都高百四十丈周

三十餘里山赭色岸邊若有火光又名赤岸

繁陽山○梁益志繁陽山在新都山中有麻姑洞即

平陽治之別名也在繁水之陽因以爲名洞開即

年豐物賤○本際經天師張道陵所遊太上說經

之處爲二十四化之第一

佛龕山○佛龕山在仁壽○唐貞觀中率更令歐陽

詢書金剛經磨崖碑按即佛崖山也山有三石像

背虛面岩俗呼倒坐寺

陽興山○圖經陽興山在仁壽隆然特起又曰隆山

隋大業改陵州爲隆山郡本此○郡國志周之九

陽治一于此往往見陽耳因名

麗甘山○方輿勝覽麗甘山在仁壽山下鹽井是十

二玉女故迹以玉女美麗井水味甘合而爲名也

又云古鹽井號聶甘井井傍有神祠號曰聶社

儒社山○儒社山在仁壽○虞允文東遊知先世種

德本末感愴久之有石刻今存佛子寺

朝女山○歲華記麗朝女山在仁壽舊有女子居山

悟道肘經之跡印石上猶存

天池山○天池山在仁壽山頂有池即譚子池也唐

開元末郡人譚叔皮生子阿空墮地即解言咲九

歲積薪森森不飲食行走若飛二十入山不知所之鄉人立祠祀之犬曆春忽歸見父母云兒本仙班今已復位祠空應毀勿為妖祟所惑祠下有金可取以濟不給言訖辭去撤祠果得金金盡泉涌湛若琉璃歲旱不涸詩之立應○山麓舊有顯忠院宋尚書僕射何臬藏主處果從徽欽北狩死沙漠華表猶存又有寶錄院宋寶謨待制陳咸葬所號寶謨阡益宋故事名位顯者得于墳側建剎度僧以薦先福

香雲山○括地志香雲山在仁壽上有碑載唐伏魔禪師事

龍安山○一統志龍安山在安縣上有林泉之勝隋開皇間蜀王秀建亭避暑于此

三堆山○梁益志三堆山在內江尖峰插漢築閣憑空有古石像土人遊焉耕者于山掘得小銅板上鐫詩云塵世不我留身寄白雲流若問真游處

三山與十洲
石笋山○蜀詩抗石笋山在內江山有石如笋者三下圓上銳登時漢表清影沉江則長虹滿地新月初上則明燭當天形家謂為邑之地軸以三堆為

天關云

華萼山○華萼山在內江唐范崇觀兄弟讀書于此明皇時獻華萼賦詔稱天下第一
金馬山○上南志金馬山在崇寧上有金馬碧鷄神祠

鑊山○梁益志鑊山在井研諸葛亮取為刀劍宇文度封鑊山侯即此志云名邪香山

井鑊山○蜀譜井鑊山在井研其山俯臨井鑊因以為名傳宗幸蜀井鑊山神見即此山也○方言關

東人呼鑊為函研故今縣名取此

青城山○名山記青城山在灌縣一名青城都山形

似城其上有崖舍赤壁張天師所治處南連峨眉亦有洞天諸靈書所藏不知當是第幾洞天也

玉置經青城山為第五大洞寶仙九室之天一名

赤城山對蜀郡西北在岷山之南○福地記中國名山以青城峨眉為西岳佐理又三佐命山及十

大洞天皆有青城之名○楊用修蜀志補註云青

城山有一百八景風日佳時登儲福宮望之歷歷可數曰彭祖峰曰石鑑峰曰龍牙峰曰盤雲溪曰

藏雲塢曰齊雲榭曰垂虹亭曰摘雲閣曰觸石軒

曰臥雲菴。曰青溪。曰碧桃溪。曰芙蓉溪。曰踰陂溪。曰海棠溪。曰溪光亭。曰過溪橋。曰乳泉。曰滴珠泉。曰碧霞洞。曰斜川。曰曲水。曰紫霞洞。曰鑑橋。曰藥圃。曰紫微洞。曰餘酣洞。曰青陰橋。曰綠篠橋。曰玉微亭。曰紅霞塢。曰欄柯亭。曰灌稻泉。曰翠光亭。曰茅堂。曰紫陽洞。曰桃源。曰暗香亭。曰金華堂。曰朝參。曰蕙谷。曰黃森嶺。曰煎茶溪。曰芹浦。曰鸚鵡林。曰葦廬。曰笠人洞。曰松坪。曰寶蓮祖。曰妙高峰。曰安羅坪。曰木蘭岫。曰桂香亭。曰石寶。曰白蘋洲。曰藻經。曰望眠岫。曰豹谷。曰百花潭。曰鹿關。曰瑞香。清江雜記 卷十 七 清江雜記

至瀑布水澗二百步有二石梯有一石筍高三丈過二石門絕崖數百丈下起常道觀高峰下有水六時洒落東北有二石室名龍宮可容百餘人從龍宮過石室至石梯名龍橋又有一石梯洞穴深邃真知所極西北石室宛然見存又有黃帝壇石法天地上員下方一丈二尺有十二角觀東石刻日月各潤五尺厚一尺二寸相對柱上烏兔輝燦方員磅礴可觀○五岳真形圖洞天所在之處其下別有日月分精以照其中龍橋處二山相去百餘步峰巒危竦相對橋在峰首橋之半漸漸從小可六七十長一丈五尺兩邊懸崖俯臨不測山傍有誓石天師張道陵與鬼兵爲誓朱筆画山青崖中絕今驗斷處有並丹色澗二十丈深六七丈望之絕然○青城甲記黃帝封青城山爲五岳丈人乃岳瀆之上司真仙之崇秩一月之內羣岳再朝焉○續博物志青城縣歲春秋以蔬饌享丈人山今躬行禮蓋蜀之望山也

鬼城山○方輿記鬼城山在灌縣丈人觀西北按志常道觀北有張天師普鬼壇漢時龍穴出水暴害禾稼張道陵立石臺鎮之名誓鬼臺○甲記曰壬

子七月十三日鬼城山崩。水大至。山高百餘丈。丈人觀居其下。將憂摧壞。俄有大石墜下。堰水向東。竟免漂陷。初觀中資溪水。日用負汲。爲勞自瀑水之後。流泉直注。厨下其美不竭。

天倉山○成都記天倉山在灌縣。神仙以爲帑庫。有三十六峰。前十八曰陽峰。後十八曰陰峰。○河圖括地象。白沙一百八景。青城三十六峰。謂此也。○晁公遡詩。天峰夜半剪冰花。三十六峰如玉立。○趙雄詩。三十六峰如不到。青城還似不曾游。

天國山○通志天國山在灌縣。左連大面。右連鶴鳴。前臨獅子。後枕大隋。上有龍池。及融照寺。按即天

國寺。云是黃帝築壇封禪封處。

傍便山○蜀本記傍便山在灌縣。高下與青城相接。當吐蕃之界。豁谷深邃。積冰雪。所以限夷夏也。大面山○大面山在灌縣三溪北。○杜光庭曰。前號青城。後曰大面。其實一耳。

玉壘山○各山志玉壘山在灌縣。衆峰叢擁。遠望無形。惟雲表崔嵬稍露。山石瑩潔。可爲器。亦砭砭之類。○唐貞觀初。關其下。名玉壘關。亦曰七盤關。乃蕃夷往來之衝也。

五龍山○輿地記五龍山在彭縣。有神溪水。仙人李伯陽登山嗽之。今爲溪源。山高數百丈。延袤二十餘里。山麓有洞。旱時禱雨。巫者初入。握火燭之行。少頃。歧足而望。懸崖中有斧鑿痕。如井深數十百丈。牖一絲之明。而烟焰裊然上衝。謂之天生眼。至此。少偃息。復入第三四五六洞。洞下重淵深不可測。盛夏水冷如水。以竹編筏。寢其上。遠巡蟻附而入。抵第七洞。龍所穴也。始用符呪取水。盛竹筒而出。離洞口。即有風雷隨之。而雨作焉。間值洞中水

壅。巫者多不得出。

葛仙山○一統志葛仙山在彭縣。上有崇真觀。在漢陽鎮北。二十四化之第五化也。葛仙翁瑋楊仙翁昇賢俱得道于此。○梁大同中。蒲仙翁復于此。白日上昇。梁武帝賜名上清觀。劉孝先作碑以紀其事。○按成都記。韋阜夢神人謂曰。異日富貴無忘葛墳。後尹成都再夢。乃復新觀宇。阜自爲記。

至德山○郡縣志至德山在彭縣治之西。上有廣明院。蜀王衍專事遊幸。嘗登是山。患其高險。令于福唐寺東別開一徑。凡數里。廣可二丈。栽松砌石。以達于寺。從官悉騎以從。松枯怪石尚有存者。山有

三昧泉自石竇噴冽方大如斗不竭不溢俗傳即知玄國師洗人面瘡處至今疾者洗之多効

丹景山○蜀本記丹景山在彭縣舊志以爲山蔣壯丹春時紅豔照人○僞蜀太妃徐氏題丹景山頭宿梵宮玉輪金輅駐遙空軍持無水注寒碧蘭若有花開晚紅武土盡排青嶂下內人皆在講筵中我家帝子傳王業積善終期四海同

白鹿山○益部談資白鹿山在彭縣上有大乘金覺禪寺晉佛圖澄所建上有洗腸池遺民劉敞故州縣敝劉韓曾孫也隱居白鹿山高尚皓首未嘗屈志

後爲羅尚所殺

大隋山○大隋山在彭縣山有景德寺隋大業中神照禪師投錫之所有木禪菴白龍井山生竹若龍頭俗呼龍頭竹

中隋山○中隋山在彭縣大隋山之後上山三十里至光相閣三月半間掃去積雲下視葛仙白鹿大隋真培塿也

玉京山○郡國志玉京山在資縣峭嶮壁立挿天連雲

醴壇山○醴壇山在資縣李阿修煉處肖像猶存○

杜光庭以爲張道陵居焉山畔有洞鑿石七十二級遠望之如入雲中

西巖山○西巖山在資縣行不踰百步石壁夾道如城如峽

重龍山○重龍山在資縣齒岸盤屈隱若龍蟠有亭閣梵刹跨其上江山城市歷歷可觀

逍遙山○逍遙山在簡州石上刻漢安元年四月十八日會仙于此石室丹竈尚存

雙牙山○輿地記雙牙山在簡州兩石對峙如牙山有井及石箱人見兩金鵝于其側晝浴于井夜栖

于箱

長松山○長松山在簡州沿之斧戾也界內諸山皆發脉于此

鶴鳴山○鶴鳴山在崇慶州絕巔千尋○李膺益州記張道陵登仙之所嘗有白鶴游其上

龍華山○蜀人物志龍華山在崇慶唐段文昌有讀書臺

天社山○一統志天社山在新津大江上每蜀土有難人多依焉

修覺山○華陽記修覺山在新津神秀禪師結廬于

此唐明皇駐蹕為題修覺山三字。寺有左右二井
春夏汲東秋冬汲西水斯甘冽反之則否。名曰林
泉始靈泉云。

寶華山○寶華山在新津橫跨江表俯瞰平川取物
華天寶之義峰頂多雪又名雪峰

稠稷山○稠稷山在新津有艸名稠稷服之長生不
死。上有丹竈古碑宮闕天池○軒轅帝于此得仙
第四稠稷治也上應危宿

本竹治○本竹治在新津高千三百丈上有白水。松
香林叢竹郭子聲得道之所非有龍穴地道通峨

眉山西通鶴島山治前水中常有神龍遊戲號曰
龍門

章烙山○章烙山在什邡亦曰章山又曰洛通又曰
楊村諸山物產出焉○華陽國志謂大姓楊氏之
所居山有風洞即之氣冷有火洞即之氣熱古老
傳云苻堅有子避難死于洛通山即此

大蓬山○大蓬山在什邡高崖絕天瀑布飛落最為
奇觀○本志大蓬山初雲初起日射間光于山頂
觀佛臺西澗光暈數重作青更紅綠色稍甘象王
峰大徑百丈中有黑影彷彿佛像食頃方散山高

百里六月積雪不消國朝明本禪師因名為鑒
紫華山

龍居山○勝覽龍居山在什邡有等慈院飛瀑十尺
虛亭屹然橋橫路轉高招擁翠上有龍居寺

武都山○一統志武都山在綿竹即蜀妃所生地

紫巖山○紫巖山在綿竹綿竹所出有綿水流注謂
之綿堰口縣所繇名也

綿竹山○綿竹山在綿竹有鹿堂致上應元宿二十

四化之第二化也○漢元帝時老子偕張道陵遊

此有仙基仙宮古人度世之處○李膺記云山崖
有隙出神泉若諸者精志則泉流奔湧其信道不

篤便清源竭竭又有庚除致為第六化上應尾宿

有石室二龍頭三漢張力得道之所○三國時有

霄雲子入洞中見樓堂金碧門者呵止之曰子凡
骨可亟去不然及禍霄雲子乃出後再至路遂迷

焉

龜勝山○龜勝山在德陽乃高崇文破劉闢處初闢
據鹿頭關高與之對壘地營有神龜繇鋒門來蹲
于牙旗之下公命投之遠嘯真日復至議謂龜乃
介蟲之長介冑斯服對有龜城其城是師果為受

降之兆乃以龜勝名山立道場焉

秦中治○秦中治在德陽天下第七治也上應其水

豹王逸少嘗欲遊焉石洞產九節菖蒲秦時韓仲

修煉之所以雲笈七籤所載以爲其山浮亦名浮

中山○益州記南陰平鄉東有浮中山每芳春遊

人登賞謂之迎春岡四面斷絕即此山也

金山○金山在綿州東臨澗水光彩映川長七八里

每夏淹雨金粟散出

天池山○天池山在綿州山頂一池方數丈冬夏不

竭上有柵參閣二郡大觀也

康嶺

卷十八 郡宇上三

五

成都府山

富樂山○方輿勝覽富樂山在綿州高廣爲衆山之

宗有洞靈觀漢李意期修煉白日升舉時聞笙樂

之音○一說劉先主入蜀劉璋延于此山望見蜀

之全盛飲酒而樂因名有石盆山臥佛院俱在此

山之麓

猿門山○猿門山在綿州山上多猿其峰桀豎如門

故名猿門

大匡山○大匡山在彰明杜甫寄李白詩匡山讀書

處即此

大華山○大華山在彰明群仙錄載黃舉先移家入

此山裁茹牡丹開時望之如錦幃

雪山○寰宇記雪山在威州上有九峰積雪春夏不

消○張舜民畫邊錄臨江寨上西望雪山日燉如

銀其高無際出衆山上居人曰此雪山佛居也有

獅子人常見之

玉山○玉山在保縣夜靜恒有霞光冉冉橫山前東

北半壁天皆丹色照林木如畫至旦方滅俗名爲

筆架山

岷山○岷山在茂州西北最後番曰列鴉村村有岷

山名曰鑊豹○曰羊膊○河圖括地象岷山之精

康嶺

卷十八 郡宇上三

六

岷山

止爲井終帝以會昌神以建福古蜀諺云茂阜之

山江出其腹帝以下昌神以建福○郭璞岷山贊

岷山之精上絡東井始出一勺終至森溟作紀南

夏天清地靜○漢書注岷山一名鴻冢一名沃焦

在隴山南首故稱隴蜀山直上六十里○山海經

岷山神馬首龍身祠用雄雞瘞用黍則風雨可致

焉○郡國志岷山俗謂之鑊豹嶺○陵陽李新詩

在昔岷峨神龍文而馬首即鑊豹之形也

相公嶺○九域志相公嶺在茂州亦名茂涇嶺州之

主山也

巨人山○巨人山在茂州南山頭有石如人立而南
玄宗幸蜀時以石人背立勅令鞭之一百

鷄宗山○與圖攷鷄宗山在茂州西扼羌人出入之
路

玉壘山○玉壘山在汶川又有玉輪坂其下汶水所
經謂之玉輪江山出鋒玉即郭景純所謂玉壘作

東別之標者
龍安府

崆峒山○崆峒山在府城西北峽谷深險直接蕃界
半以似平涼之崆峒故名

牛心山○九域志牛心山在府城東梁李龍遷葬此
武后時鑿斷山脈玄宗幸蜀有老人蘇垣素龍州

牛山國之祖墓今日蒙塵乃則天掘鑿所致也玄
宗命刺史修築如舊未幾誅祿山

石門山○石門山在府城東南與氏羌分界兩壁對
峙如門

龍穴山○龍穴山在平武相傳此山有龍鬬死血爰
為石宋齊于此置龍血戍

馬閣山○馬閣山在平武北接梁山西接岷峨皆鄒
艾伐蜀從景谷路經龍州江油縣至此懸崖絕壁

乃東馬懸車作棧閣方得路通因名馬閣山

蜀山○蜀山在石泉○史記黃帝子昌意娶蜀山氏
女蓋此山也

太華山○太華山在江油三峰奇突有似關中之華
山故名

大匡山○大匡山在江油李白嘗游此
天柱山○天柱山在江油鹿苑大師道場

順慶府
果山○果山在府城西層峰秀起上多黃柑晉陳壽

大歸隱于此
大方山○大方山在府城西仙女謝自然猶真于此

千峰百嶂儼若洞天
龍城山○龍城山在府城南盤曲如龍絕壁如城○

蜀志補遺即龍角山道經以為福地
朱鳳山○朱鳳山在南充高百七十丈周二十里接

青泉山○青泉山在南充高百七十丈周二十里接
李淳風養煉之地迺觀郿城如在掌握

金泉山○金泉山在南充一名露泉唐李淳風藏金
于此化為泉故名○唐書謝自然于此上昇雲虹

霓氣萬日共睹有青霞觀及真人祠

南岷山○南岷山在西克山有九井十三峰漢何岷

隱處○隋程太虛修煉于此太虛隱居絕粒有二虎侍左右九井十三峰皆其修煉處一夕大風雨

砌下得碧玉印居人每乞符祈年印以授之輒獲豐稔唐元和中解體後遷神于玄宮容貌不變

西克山○一統志西克山在西克一邑之勝也

北山○巴蜀志北山在蓬州山之主也溪壑奇秀神仙隱士所居又多崇蘭黃花每春秋開時清香滿

山谷間

大蓬山○劔南廣記大蓬山在蓬州狀若海中蓬萊

因以爲名小蓬山一名秀立與大蓬對峙相去二

里綏山即大蓬之始隔也按列仙傳葛由者蜀之羌人周成王時刻木爲羊賣之一旦乘木羊入蜀

蜀中王侯賓客追上綏山隨之者皆得仙術梁于此置綏山縣唐改爲蓬山有透明岩孔穴相連宛

如穿鑿亦名柄真岩俯瞰州郭天氣清明渠達諸山隱隱可數○岩下有爾朱真人書隔凡石三大

字爾朱真人本隋時成道唐懿德間復抵蓬州客安漢館張氏十二年州守以爲惑衆沉于江二漁者

得之釋其縛三人白日升天有仙閣岩夜出聖燈

志云聖燈現處有五非山鳳皇山連翹山大蓬山

小蓬山其在大蓬者尤重昇○小蓬山下有仙女墳元時普安里民家女及笄一日父母他出有道

士扣門求水女不啓戶道士大書閉門不納四字而去女手擦之不去舌舐之乃滅因感而嫉父母

疑而責之不自白遂投江死其尸逆流親戚相與撈葬之忽自腹中裂出肉印方驚駭間水暴漲湧

沙成一大墳于江水中左右夾流若神力焉今名

仙女墳

方城山○方城山在儀隴縣之主山也○抱朴子結

菴于此有抱朴菴三字刻于石壁○圖經葛洪詩

云酒盡君莫沽壺傾我當發城市多驚塵還山弄明月即此山作

姜山○方輿勝覽姜山在廣安州以姜伯約屯兵而

名

鼎然山○鼎然山在廣安州上有龍祠勅賜孚惠靈公

于仙山○于仙山在廣安州以神仙馮勝得名志云馮緄有子修煉于岳門山一日辭父母謂當仙去

以來晨白鶴飛翔為候紐登此山享之已而果然
又名望子山

羊山○羊山在岳池峰巒秀異山下有洞曰角竹樵
牧每見羊自洞出叱之復回天監中一高士隱此
講學二羊晚聽因名

宕渠山○宕渠山在渠縣一名大青山其巔峻險東
西有二石門○三國志張卬自漢川進軍宕渠與
張飛相拒五十餘日飛率精兵從間道破卬已都
乃得安

保寧府

勝瀛頭

卷八

字十三

王

保寧府山

王臺山○方輿勝覽王臺山在府城北山上有勝王
亭杜詩君王臺榭枕巴山萬丈仙梯尚可攀即此
後有勝王基古碑云間之第四景為順神石洞洞
虛雙拱密進王臺昔滕王建亭于此古人詩文隱
隱可辨

天目山○天目山在府城東葛洪修煉之所上有二
洞。一曰天目。一曰天溪

文城山○文城山在府城東峰巒秀列林木葱蒨一
峰拔出名玄都壇張道陵授其徒符籙于此

閬中山○輿地記閬中山在閬中其山四合于郡故

曰閬中多仙聖游集之所即錦屏山也在城外嘉
陵江南與郡治相對兩峰壁立如屏又名寶鞍山
上有瑪瑙等羅漢畫錦西橋三院後又築閬峰亭
以眺望焉

盤龍山○盤龍山在閬中狀如蟠龍山南有一石長
四十丈高五尺當中有一門若人之掩閉古老
以為王女房後魏蠅龍郡以此山名○唐貞觀中
候氣者言西南千里外有王氣太宗令人入蜀次
閬中果見山氣葱蔚乃鑿破山脈水流如血今號
盤山咸亨初曾從閬中縣于此即今之盤山關也
勝瀛頭 卷八 字十三 王 保寧府山
仙穴山○仙穴山在閬中○周地圖靈山峯多雜樹
甜蜀王盤靈登此因名靈山山東南隅有王女橋
練石頂有泉清冽洞穴懸絕微有一小徑裁通唐
天寶六年敕改為仙穴山孤峯峭拔介嘉陵宋江
之間上有盤靈墓

大像山○大像山在閬中唐高士安隱居之所○志
云一各台星岩陳堯叟兄弟讀書于此有捧硯亭
碑曰天聖九年奉路運使司馬池來游子光侍末
云君寶捧硯勾龍豈請以捧硯名亭

織蓋山○織蓋山在閬中高僧宣什住持乃城中開

元寺納也即元積題樂天詩于壁及文同寄詠澤
師竹軒處什公博通經典魯王山鎮表而異之後
居徽子山山上無水以杖叩岩浩然泉湧今爲卓
錫泉

雲臺山○周地圖雲臺山在梓潼危峰插天一名天
柱張道陵昇仙于此上有浴丹池九轉亭皆其遺
跡也

禹跡山○禹跡山在南部禹治水經此山頂有泉清
冽可受

離堆山○離堆山在南部蜀三離堆之一也○顏真
卿離堆記謂此山半入嘉陵江直上數百尺不與

衆山相聯屬故曰離堆山東西有石堂故京兆尹
鮮于仲通與弟叔明所鑿堂北有盤石石上有九
曲流杯池

仙鳳山○仙鳳山在南部上有七曲臺始落成時地
上土痕成仙鳳二字大數丈

烏奴山○烏奴山在廣元嘉陵江岸一名烏龍山峭
壁如削有洞不可上晉李烏奴于此修寺因名○
北史王玄邈傳亡命李烏奴作亂梁節陌白馬戍
玄邈率車從七八百人討之不克慮不自保乃使

人僞降烏奴告之曰王使君兵衆羸弱奔仗妾于
城內携愛妾二人去已數日矣烏奴喜輕兵襲州
城玄邈設伏擊破之烏奴挺身走太祖聞之曰玄
邈果不負吾意遇也

胤山○胤山在廣元爲平蜀廢縣即利州衛治○史
記胤侯爵胤山出舞衣

玉女山○玉女山在廣元山上一石穴中若房宇
有玉女八人不出穴前修竹下有石壇風來動竹
掃壇如簫其北有燕子谷產磐石即志所稱石燕
山也

北龕○輿地記北龕在巴州北山有白馬泉九州記
要云即黃牛山也有容白馬奔出故名一名王望

山山半石壁隱出老君像唐人有北山老君影迹
詩即此○王望字子濛開元初嘗與玄宗遇俗傳
晉時人旦跨白驢入長安市暮復回山中○一說
唐玄宗控白驢至此山望見京闕曰此去京師不
遠故名王望

鳳谷山○鳳谷山在巴州山頂有要羊觀熙寧通守
楊黃中記云唐明皇與葉法靜神遊于羊家山忽
思蒙羊山靈遽以羊進詔于其地立觀今名廣福

平梁山○平梁山在巴州其上下廣四面石壁如城

宋末徙巴州治于此

玉山○玉山在巴州產玉但深險難取

歌籟山○歌籟山在通江與璧山相對上有石鼓聲聞數里連擊旋雨

秋錦山○秋錦山在通江隔江望之如錦

大巴山○大巴山在南江志稱大巴之險過于連雲棧其下通漢中

東山○東山在劍州一名鶴鳴山上有磨崖嶺書元結中興頌○按東山即臥龍山寰宇記云臥龍山

在縣東二里盤國州市高百丈其上為九龍山高三百丈唐天寶六年勅改龍祠山山上曾置九龍祠焉

故壘山○益州記故壘山在劍州山有姜維拒鍾會

故壘其山峭壁俯臨絕澗

大劍山○周地圖大劍山在劍州亦曰梁山○山海

經高梁之山其上多壁其下多砥礪其木多杗枝鉤端艸焉狀如葵而赤華實白附可以走馬○玉

女臺在大劍絕頂峭壁千仞下瞰古道行人如蟻有小石刻云玉女煉丹之所劍閣記云梁山之險

蜀所恃以為外戶即此又名劍門山

跨鶴山○跨鶴山在劍州一名駕空山山腹有紫霄

觀崖上有僧懷素草書多缺落不可辨

長卿山○鄉俗記長卿山在梓潼山上有長卿寺下

有漢侍御史李業石闕○續搜神記有神姓張名

亞道術顯著廟在梓潼玄宗幸蜀著靈追封左丞

相○唐書廣明二年僖宗幸蜀神又現于利州枯

柏津封為濟順王親幸其廟解劍以贈神○郡國

志濟順王本張亞子戰死而廟存昔亞子西至長

安見姚萇謂曰却後九年君當入蜀若至梓潼七

梓潼縣志卷十八 風俗 梓潼縣志

曲山幸當見尋至建元十二年其隨楊安南伐將

至七曲迷道遊騎賈君蒙忽見一鹿馳去遂至廟

門鹿自焚追騎共剝之有項其至悟曰此是張君

為我設主客之禮烹食而去按此即世所奉祀梓

潼帝君也

五婦山○五婦山在梓潼山高四百六十丈○按蜀

記云梓潼有五婦山秦王遣蜀王美女五人蜀王

遣五丁迎女至梓潼五丁踣地大呼驚五女並化

為石蜀王築臺而望之不來因名為五婦候臺○

漢書地理志梓潼五婦山碑志存五婦山神廟○